




KATILINGBAN

Ang opisyal nga pamantalaan sa Basic Ecclesial Communities (BEC) sa parokya sa Naval

Vol 2, No. 2

website: www.geocities.com/navaldiocese

September 2005



Most Rev. Filomeno G. Bactol, D.D.

Mensaje

PASTORAL VISIT

Unsa man kanang gitawag nga Pastoral Visit sa Obispo?

Ang Pastoral Visit mao kanang opisyal nga gimbuhaton sa Obispo isip magbalantay ug tinugyanan sa Katawhan sa Dios sa pagbisita sa mga parokya nga iyang nasakupan aron pagsuta sa kinabuhing kristohanon sa mga Katoliko. Kini nga reponsibilidad gimbuhaton sa Obispo kada lima (5)ka tuig.

Ang iskedyul sa Obispo sa pagbisita sa parokya sa Naval mao karong Septiembre 10-11, 2005. Nabahin sa duha ka tudling kining maong pagbisita. Una, panginanuon sa Obispo ang mga butang ug *concerns* nga naglambigit sa Pagdumala sa Parokya (Administrative Concerns). Ikaduha, panginanuon sa Obispo ang mga butang nga may kalambigitan sa kinabuhing pastoral sa parokya (Pastoral Concerns).

Diha sa Administrative concerns, panginanuon sa Obispo ang *parish office* ug ang mga rekords niini, ang *BEC office* ug ang mga rekords niini, ang mga propiedad sa parokya, ang eskuylahan (Cathedral School of La Naval), mga *religious houses*, ug uban pa. Diha sa Pastoral concerns, panginanuon sa Obispo ang dagan sa Basic Ecclesial Communities (BECs) pinaagi sa pakigpulong sa mga PPC, PFT ug BEC Leaders, ingon man usab sa pakigpulong sa mga katawhan diha sa pagahimuon nga BEC Parish Fellowship. Dinhi, pinaagi sa mga paambit sa katawhan, masuta gayud sa Obispo ang panginahanglan sa katawhan ug unsa ang ilang mga suhestiyon.

Makita nato dinhi nga ang *pastoral visit* usa diay ka pamaagi sa Simbahan aron mapanginano sa Obispo ang iyang katawhan ug matagaan sa igong pagtagad isip usa ka alagad sa Dios. Mao nga giawhag ang tanang katawhan sa pag-apil sa mga kalihukan niining *pastoral visit* sa atong Obispo, ilabi na gayud sa BEC Parish Fellowship sa Septiembre 11, 2005, Domingo nga adlaw. Ang inyong mainiton nga pagtambong nagpakita lamang sa inyong madasigon ug makanunayon nga pagpuno sa Dios pinaagi sa Iyang Simbahan.

Panalanginan unta kamo sa Dios kanunay!

Bishop FILOMENO G. BACTOL, D.D.
ug mga Kaparian sa Naval



PAMALANDONG SA EBANGHELYO

September 4, 2005: Ika-23 nga Domingo "sulod sa tuig"
Basahon : Ez. 33: 7-9 / Rm. 13: 8-10 / Mateo 18:15-20

Tema:

Dunay panultihon nga nag-ingon: "Ang labaw'ng nahigugma labaw'ng mag-antus." Ang Ebanghelyo karong adlaw naghigot mahitungod sa pagbadlongay sa usag usa, ang pinakasakit nga katungdanan sa gugma. Unsa mang kinaiyahaa ang kinahanglang huptan sa katilingban kon dunay usa sa iyang mga sakop nga nagbuhat og butang nga supak sa panghunahuna sa Simbahan? Tinuod diyotay ra ang sakop sa unang Simbahan ug sayod sila nga ang ilang pagkinabuhi naka-apektar sa dakong katilingban. Gani sagad, ang mga tawo moingon man: "Tan-awa kon giunsa nila paghigugmaay sa usag-usa". Ang kahiusahan sa Simbahan nakita diay nga tipik ug kabahin nianang maong gugma. Ang Simbahan nga natawo gikan nianang Diosnong gugma kinahanglang mahiusa diha nianang maong gugma diin katungdanan sa matag usa ang pagtuo ug ang kasantos sa uban.

Sa kinabuhing Cristuhanon, unsa man ang mga pamaagi sa pagtangtang sa gamot sa dautan ug sa dili pagsinabtanay tali sa mga matuohon? Gihimo kini sa Simbahan ginamit ang kaalam ug ang pailob. Tungod kay ang Simbahan kanunay mang nagdahum nga ang mga sakop niini gigamhan sa Espiritu Santo, mao nga ang matag Cristyano dunay katungod sa pagpaminaway ug sa pagpakighinabi sa usag-usa. Mao na nga ang katilingban dili mahimong sama sa maghuhukom nga mangitag sayop sa sad-an ug mopahamtang niini sa silot. Labaw sa hustisya ang Simbahan mopakita'g kaluoy kay naglaum man siya mapasaylo ug mahiuli ang sad-an balik sa matuohong katilingban.

Bisan kon ang makasasala padayon sa pagpakasala, ang Simbahan padayong nag-ampo alang kanila.

Gikinahanglan ang katilingbanong pag-ampo alang sa kahiusahan sa Simbahan. Ang kahapsay sa katilingban maoy nagpadayag sa ka-epektibo sa pag-ampo tungod kay kining kahapsay mao may timailhan sa Emmanuel (ang Dios - nga-nagaubankanato) nga nangama alang sa maampoong Simbahan. Mao na nga ang Simbahan dili madalidaliong mohukom kang bisan kinsa tungod kay hugot man ang iyang pagtuo nga ang iyang katungdanan alang sa usag usa mas gamhanan pa kay sa iyang kasuko.

Pamalandongi kini:

1. Alang kanimo, unsa may angay nga buhaton sa imong isig-kamatuohon nga sad-an? Kastigohon ba? Patagmon? O badlongon?
2. Sa inyong Cristuhanong katilingban anaa ba ang pagpaminaway ug pagsinabtanay?

September 11, 2005: Ika-24 nga Domingo “sulod sa tuig”
 Basahon: Sir. 27:30-28: 7/ Rom.14:7-9 / Mateo 18:21-35

Puno ang Balaang Kasulatan sa mga pagsaysay sa walay puas nga gugma sa Dios. Sa makadaghan ang iyang katawhan nagmaluigon apan ingon usab kadaghan ang kahigayonanan diin ang Dios andam nga mopasaylo kanila. Makatingala kaayo kay ang Dios dili man kapuyon sa kanunayng nagkadagmaga nga gugma sa iyang katawhan ug wala usab niya hunonga ang walay katapusang sugilon sa sala, sa pagbasol ug sa paghiuli. Kini wala gayud buhata sa Dios. Siya mao man gud ang mausikong Amahan nga gisaysay sa samingay diha sa ebanghelyo.

Dili siya buot nga mohikaw og pasaylo sa iyang pinalanggang anak (Lukas 15). Gipadayag kini ni Hesus diha sa iyang mga gibuhad. Wala siya motalikod sa makasasala.

Tataw sa mga pagbasa karong adlawa nga ang pasaylo sa Dios gihatag aron ipaambit sa wala gayoy tihik-tihik. Ang panaghigugmaay sa mga ginsakpan mao ang timaan niining katilingban sa bag-ong kasabutan. Gimandoan kita sa paghigugmaay sa usag-usa sama nga si Cristo nahigugma kanato. Gasa sa gugma ang pagpasaylo. Busa kinahanglan magpinasayloay kita sama nga ang Ginoo nagpasaylo kanato - “sa kapitoan ka pito ka higayon” nga sa ato pa, sa walay kinutoban.


Ang Balaang Kasulatan nagsugyot nga ang diosnong kapasayloan aduna diay kondisyon. Kon dili kini ipaambit, mawala kini gikan kanato. Apan dili sa ingon nga ang Dios dili mopasaylo. Kon motugot gayod kita nga ang atong kaugalingon mabag-o pinaagi sa iyang mapasayloong gugma, nan, kinahanglan magpinsayloay kita sa usag-usa. Kon nagdumili kita nga mabag-o, gisalikway na nato ang gasa sa iyang pasaylo sukad pa sa sinugdanan.

Sa dili pa nato ihalad ang atong mga gasa ngadto sa altar, kinahanglan ihalad ta una sa usag-usa ang pasaylo nga nadawat nato gikan sa kaayo sa Dios.

Pamalandongi kini:

Ikaw andam bang mopasaylo sa imong isig-katawo nga nakasala kanimo? Hinumdumi nga ikaw unang gipasaylo ug gikaloy-an sa Dios

NAVAL COUNTRY INN
“Your home away from home”
&
NAVAL TOWN CENTER



KATILINGBAN
Ang pasaylo nga naglalamban sa Basik Espiritwal Community (BEC) sa parokya sa Naval

TEAM MINISTRY

Team Moderator: Bishop Filomeno G. Bactol, D.D.

Team Members: Fr. Marvyn A. Maceda
 Fr. Benjamin C. Pantas
 Fr. Jesus G. Ty
 Fr. Kenneth Hendricks
 Fr. Dario Bebillo
 Fr. Bing Colasito

Editor:
 Alfredo Paghubasan

Writers/Researchers:
 Salvador Castro Reymund Icaín
 Ramises Bongabong Linda Roldan
 Eudoxia Canonoy Necitas Casado
 Catalina Machete Gualberto Tonelete

Encoders:
 Vinna Sabroso Sonia Pitao
 Josephine Romero

Circulation Managers:
 Jorge Manco
 Danilo Jayubo
 Jonnel Quilaneta
 Alfredo Olaer

Business Managers:
 Rizalito V. Curso
 Conchita Calvez

Computer Specialist
 Oscar O. Borrinaga

SEPTEMBER 18, 2005: Ika-25 nga Domingo "sulod sa tuig"
 Basahon: Is. 55: 6-9 / Phil.1:20-24, 27 / Mateo 20: 1- 16

September 25, 2005: Ika-26 nga Domingo "sulod sa tuig"
 Basahon: Ez. 18 :25-28 / Ph. 2: 1- 11 / Mateo 21: 28-32

Tema:

Ang kakulang sa trabaho diha nang daan sa panahon ni Hesus. Sila nga walay pirming trabaho moadto sa merkado matag buntag aron magpaabot nga dunay mohatag kanilag trabaho. Ang inadlaw'ng mamumuo motrabaho sa bisan unsang trabaho nga ihatag nila. Mao kini ang basehanan sa gisaysay ni Hesus diha samingay karong adlaw.

Ang palabtik anaa sa ulahing bahin sa samingay. Pangatarungan sa tawhanong hustisya nga sila nga nagbudlay sa tibuok adlaw nga suhol, samtang sila nga naghago sulod sa usa ka oras lamang makadawat sa usa ka oras nga suhol. Dili ingon niini sa gingharian sa Dios. Sila nga nagbudlay ug nagminatarong sukad sa sayong buntag makadawat sa ilang tibuok nga ganti. Apan ang mga babayeng dautan ug dungog, ang mga kobrador sa buhis ug ang mga makasasala nga miabot sa ulahing takna makadawat sa samang ganti. Ang mga balaod sa tawhanong kaangayan magamit lamang sa kasagarang mga hitabo, apan sumala sa gisugyot ni Propeta Isias, kining maong mga balaod limitado kaayo ug dili mahimong maglangkob sa kanunay'ng kahibulungang gugma sa Dios.

Sulugoon sa gingharian sa Dios ang Simbahan ug kinahanglan motuman siya sa mga balaod sa gingharian. Gimandoan kita sa pagdapit alang sa panihapon dili lang kadtong makaangkon sa ilang luna tungod sa ilang tumang kamasinugtanon kondili kadto usb sila nga mao pa gayoy pag-abot sa ganghaan. Magbagulbol gayod ang mga maayo ug ang mga tinahod kay makigsalo uban kanila sa pagpangaon ang mga makasasala. Apan ang tagbalay mangutana: Gawasnon akong mohimo sa unsay gusto ko...dili ba? O nasina ka ba hinoon kay ako manggihatagon man?

Pamalandongi kini:

1. Nasinati mo ba ang kanunay'ng kahibulongang gugma sa Dios?
2. Unsa may imong reaksyon niining maong samingay nga gisugilon ni Hesus?

Tema:

Sila si Propeta Jeremias ug Ezequiel mipaila ug bag-ong panabot. Dili lang ang tibuok nasud maoy mohimong moral nga pagpili ug sa ingon mag-antus sa unsang dangatan sa maong pagpili. Ang matag usa kinahanglan magpili sa pagtuman o dili pagtuman sa pulong sa Dios nga napadayag diha sa Balaod ug sa mga propeta: ug ang matag usa kinahanglan modawat sa unsay dangatan sa maong pagpili. Sa ato pa, ang paghukom anaa kaniya nga mipili ug wala sa Dios nga igo lang modawat sa maong paghukom. Kita mao ang nagmakiangayon o wala magmakiangayon sa atong kaugalingon.

Ang propeta ug ang ebanghelista nagpahinumdom kanato nga walay katapusan ang nagpili gawas sa katapusang pagpili nga himoon sa matag usa inigkamatay. Ang anak misulti ug usa ka butang apan mihimo sa lain. Gani daghan nato nahisama sa una ug sa ikaduhang anak: mihimo kita ug panaad apan wala nato tumana ug mituman kita ug panaad nga wala nato himoa. Ang atong kinabuhi napuno sa mga paghukom. Apan hinayhinay nga naumol ang atong kaugalingon pinaagi sa atong kamasinugtanon ug kamasupilon.

Ang ebanghelyo nga milanog sa daghang mga kinutlong bahin sa Karaang Kasabutan nagtug-an nga dili kita ang naapektuhan sa gidangatan. Sa samingay, amahan sa duruha ka mga anak ang tawo. Sa sugilanon ni Hesus, ang Dios ginikanan dili lang sa mga pangulong pari ug sa mga punoan sa Judio kon dili lakip na ang kobrador sa buhis ug sa mg babayeng dautan ug dungog. Ngadto kanilang tanan gipadala niya ang iyang pulong sa kaluwasan. Mao na nga daw makahunahuna lang kita nga ang amahan nagbarog sa iyang pultahan nagpaabot sa pagbalik sa iyang duruha ka anak nga iyang gipadala sa parasan. Ug usa ra ang miadto didto.

Pamalandongi kini:

Sa imong pagpili, ikaw nagmakinugtanon ba o nagmasupilon sa Dios? Mihimo ka ba ug panaad nga wala nimo tumana o nagtuman ka bag panaad nga wala nimo himoa?

SCHEDULE OF PASTORAL VISITATION

First Day (Saturday) - September 10, 2005

9:45 a.m. - Arrival/Liturgical Reception

10:00 - Holy Eucharist

12:00 - Lunch

1:00 P.M.

1.) Inspection of the Parish Office:

Canonical Books

Financial Records

Parish properties/Inventories

* Records of land titles and donations

* Physical condition of church
& Convent/furniture and fixtures

* Church properties in the barrios

2.) Inspection of the BEC Office,
BEC Records and Files

3:00 P.M. BEC Cluster visit

* Selda Prayer Meetings

* Exhibits

* Open Forum

* Program

7:00 PM - Supper (*BEC Cluster Area*)

8:00 PM - Clergy Bonding (*Parish Convent*)

**Second Day (Sunday)
September 11, 2005
Parish BEC Fellowship**

8:00 AM - Pag-abot sa mga of BECs ug
Katawhan sa Dios para sa BEC
Parish Fellowship

Registration/Rosary/Praising/
Pag-ampo

Pakigpulong sa Obispo sa Katawhan

10:00 - B r e a k

10:30 - Santos nga Misa/
Renewal of Commitment

12:00 - Paniudto (BYOP)

1:00 PM - Pakigpulong sa Obispo sa mga PPC,
PFT, BEC

2:00 - Enthronement of the BEC Pilgrim Cross
Raffle Draw

BEC ANNIVERSARIES

BEC Agpangi (Immaculate)
September 3, 2005 (Sabado)

BEC San Juan Village
September 6, 2005 (Martes)

BEC Upper Ilaya
September 18, 2005 (Domingo)

BEC Sitio Cogon
September 19, 2005 (Lunes)

BEC Sitio Riverside
September 20, 2005 (Martes)

BEC Upper Calumpang
September 27, 2005 (Martes)

BEC brgy. Sabang
September 28, 2005 (Miyerkules)

BEC brgy. Borac
September 29, 2005 (Huwebes)

PAROCHIAL FELLOWSHIP

September 17, 2005
(3rd Saturday)

-oOo-

September 18, 2005
(3rd Sunday)

BEC CLUSTER FELLOWSHIP

BEC Ilaya/Smo. Rosario

September 3, 2005

Cathedral Church - 7:00 PM. Arrival

**Area: Sitio Lupa, Puro-Bliss, Lomboy Village,
San Juan**

September 3, 2005

LJC Rice Mill & Groceries

Sitio Lupa, Calumpang Ground Floor, Naval Mall

Owned and Managed by:
BONG BONGABONG